



Inatsisartuni ilaasortaq
Siverth K. Heilmann, Atassut
/Maani

Royal Greenland Maniitsoq pillugu § 37 naapertorlugu apeqquteqaammut nr. 156-2018-imut akissut

Brevdato: 30-07-2018
Sagsnr.: 2018-15089
Akt-id: 8320917

Asasara Siverth K. Heilmann

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

13. juli 2018-imi Royal Greenlandip Maniitsumi tunisassiorfia pillugu Naalakkersuisunut apeqquteqaateqarputit. Apeqqutit uannut akisassanngorlugit innersuunneqarput.

1. Naalakkersuisuni ilisimaneqarpa, Royal Greenland-ip Maniitsumi talittarfiata kimmut isua tungaani, saarullinnik uumatitsiveqarneq immamilu mingutsitsivioqisumi tunisassiorneq ingerlanneqarnera?

Apeqqummut tassunga akissuteqarnissamut Aalisarnermut, Piniarnermut Nunalerinermullu Naalakkersuisoqarfimmut paasissutissanik pissarsiniartoqarpoq, tassanngaanniillu imatut ilisimatitsisoqarpoq:

”Royal Greenland saarullinnik aalisakkanillu allanik nuussinissamut akuersissummik ukiumoortumik qinnuteqarnerminut atatillugu, ukiut siuliini pisareersutut Brøndbåden-imut, tassalu umiarsuarmut pingaarnermut, Maniitsumi tunisassiorfiup saarullinnik pilersorneqarneranut atorineqartumut nuussinissamut qinnuteqaqqippoq.

RG A/S qinnuteqarnerminut atatillugu ukiut siuliini pisareersutut APNN-imut orniguteqqippoq, suliniut Nutaaq ilisaritikkiartorlugu. Suliniummi aalisarneq, Brøndbåden, pullatit (6x6) aamma ”tukertitsivik” qanoq ataatsimoortinneqarnerat takutikkiartorlugu. Naliliinerput malillugu suliniut soqutiginaateqartorujussuuvoq, aammalu siunissami saarullinniarnermut ilimanaateqarluni.

APNN-ip ataani nersutaateqarnermut inuussutissalerinermullu oqartussaasut ilisimavaat, Maniitsumi toqorarneqarnissamik tungaanut nerisaqartinneqarneq ajortut. Matumanili avammut tunisaqarneq pineqarmat, inuussutissalerinermi isumannaassutsimut apeqqut Inuussutissalerinermut Aqutsisoqarfiup (FVST), suliassaqarfimmi piginnaasalittut oqartussaasusup ataaniippoq. Taakkunangaanniit imatut ilisimatitsisoqarpoq:

Suliffeqarfiup avammut tuniniaanissaanut akuersissut Namminersorlutik Oqartussanit tunniunneqartarpoq. FVST (Fødevareregion NordØst) taamaallaat suliffeqarfimmut piginnaatitsissummik tunniussisarpoq. Suliffeqarfik

aalisakkanik assigiinngitsunik aalisakkanillu tunisassianik, piginnaatitsissummi allassimasunik tamanik niueqatigiissuteqarsinnaavoq, taakkunungalu aalisakkat nillataartut/sikulersukkat ilaapput.

Inuussutissalerinermut Immikkoortortaqaarfiup 2018-imi suliffeqarfik marloriarluni pulaarpaa. § 37 naapertorlugu apeqqummi oqaaseqaatigineqartunut tunngavissanik nassaartoqarsimangilaq. Ilisimatitsissutitut paasissutissiissutigisinnaavarput, FVST ukiumut pingasoriarluni suliffeqarfimmuut pulaartarmat. FVST nakkutilliisutut ilisimatitsisinnaavoq, nakkutilliilluni pulaarnermi talittarfiup imartaani uninngatitsisunik naammattuuisoqarsimangimmat, kiisalu uninngatitanik misissuisoqarsimangimmat. FVST-mit aalisakkanut ungalunik atuinermut kalaallit maleruagassaat ilisimaneqanngillat, taakkunungalu immami avatangiisit il.il. ilaatinneqarput. FVST suliffeqarfiup immami aalisakkanut ungalunik atuinissaanut akuersissummik/piginnaatitsissummik tunniussisimangilaq, tamanna FVST-p oqartussaaffiisa avataaniittutut naliliiffigineqarmat. Aatsaat aalisakkat pumpi atorlugu Brøndbåden-imiit nunamut nuunneqaraangata, tamanna FVST-p oqartussaaffiisa iluanniittutut naliliiffigineqartarpoq. Suliffeqarfiup FVST-mut piginnaatitsissummik qinnuteqarneranut atatillugu oqaluuserineqarpoq, saarullinnut ungaluliat mingutsitsiviusumut naammattumik ungasissusilerlugit inissinneqassasut, taakkunungalu anartarfinnut puussianik imaarsiviit eqqaavissuillu, kiisalu immap ulittarnerani tinittarnerinilu pissutsit sarfarlu ilaatinneqarput. Suliffeqarfiup ulorianartorsiorfiusinnaasunik misissueqqissaarnerani allanneqarpoq, immap imaa (tunisassiornermut atatillugu atorneqartoq) tappiorannartoqassutsimik misissuiffigineqartartussaasoq, kiisalu saarullit saffiugassanik oqimaatsunik akoqassusiinik misissueqqissaartoqartartussaasoq. Danskit aalisakkanut ungalunik atuinermut maleruagassaat malillugit saarullit ungaluniitinneqarnerminni ulluni marlussunni nerisaqartinneqaratik uninngatinneqartarsinnaaneri tukertitsinertut oqaatigineqarsinnaanngilaq. Aalisakkanut ungalunik atuinissamut piginnaatitsissuteqartarneq ingerlatsinerlu, kiisalu imaani tappiorannartunik taakkunungalu tunisassianik tunisisarneq pillugit nalunaarut (Nal. 965 2013-imeersoq – Kalaallit Nunaannut atuutsinneqanngitsoq) innersuussutigineqarpoq. Nalunaarummi aalisakkanut ungalunut nassuiaat matuma kinguliani issuarneqartoq atorneqarpoq:

”Sumiluunniit sumiiffinni atortunilu killilikkani, aalisakkanut ungalut atorlugit ingerlatsiviusuni, aammalu tunisinissaq siunertaralugu imaani uumasunik allisaaffiusuni, tassalu sumiiffiit atortulluunniit, imaani uumassusillit nujuartat, nerisassatut atorneqarnissaat siunertaralugu katersorneqarsimasut pisarineqarsimasulluunniit uninngatinneqarfigisaat pinnagit, toqorarneqarnissamik tungaannut nerisaqartinneqanngikkallartassapput”.

Taamaattumik FVST-p isumaa malillugu inuussutissalerinermut peqqussutini piumasaqaatit, tassungalu ilanngullugu imermut mingutsinneqarsimangitsumut inissiisarnerit malinneqarpata saarullik niueqatiginnissutigineqarsinnaavoq.”

2. Naalakkersuisunut apeqqtigerusuppara, apeqqt 1-imi avatangiisinut Naalakkersuisoqarfimmi Kommuunemiluunniit akuersissuteqartoqarsimansoq?

2017-imi Royal Greenland A/S-ip Maniitsumi tunisassiorfia avatangiisit pillugit akuersissummik tunineqarpoq. Suliffeqarfinnut annertuumik mingutsitsisunut il.il. avatangiisinut akuersissuteqartarnej pillugu nalunaarut nr. 11, 20. august 2004-meersoq naapertorlugu avatangiisinut akuersissut tunniunneqarpoq. Avatangiisinut akuersissummi suliffeqarfinniit mingutsitsinerit aniatitanut, eqqagassalerinermut, nipiliornermut il.il. piunasaqaateqartoqarneratigut maleruagassiuunneqarput, Saarullinnik uumasunik qaluni ammalortunngorlugit ilusilikkani uninngatitsinissamut avatangiisinut akuersissuteqarnissamut immikkut ittunik piunasaqaateqartoqanngilaq.

3. Saarullinnik uumatillugit tunisassiorneq, iluatsilluartoq aalisartunut pingaaruteqaqisoq suliffisaqartitsilluartorlu, tunisassiornerup unittuunnginnissaa qulakkeerniarlugu, Naalakkersuisuni qanoq pilersaarpat?

Apeqqummut tassunga akissuteqarnissamut Aalisarnermut, Piniarnermut Nunalerinermullu Naalakkersuisoqarfimmut paasissutissanik pissarsiniartoqarpoq, tassanngaanniillu imatut ilisimatitsisoqarpoq:

”Naalakkersuisut siullertut Brøndbåden Maniitsoq-p, siuniummi Nutaaq-mi pilersuisuusup, Maniitsumi saarullinnik nuussinissamut akuersissummik tunineqarnissaa qulakkeerpaat. Tamatuma saniatigut Naalakkersuisut akuersissut, 2017 tikillugu taamaallaat Maniitsup eqqaani aalisarfinnut nunaqarfiinullu atuussimasoq annertusivaat, Kangaatsiap eqqaa aammalu Qeqertarsuarmi Kangerluk ilanngullugu atuuttusanngorlugu. Suliap aamma siunissami nungusaataanngitsumik ingerlanneqarsinnaanissaa Naalakkersuisunit neriutiginerpoq.”

Inussiarnersumik inuulluaqqusillunga



Kim Kielsen